

寧晉縣志

周鳳翔
題簽



人物志下

隱逸 孝子

義民 世家隱德

鄉賢賓 附耆舊

節死 節婦

八烈婦 方技

仙釋

甯晉縣志卷之八

人物志下

隱逸

孟敏見鄉賢

元 陳忠見鄉賢

郡志隱逸載忠隆平人孝義又載忠甯晉人忠孫忠定公祐文忠公天祥諸墳墓俱在縣南二十里北陳村蓋

郡志偶誣也並識之

明 沈浩傳曰沈浩字海觀邑東路前村人志尚清節博雅能

文力能舉千斤中崇禎辛未科武進士技勇稱當時第

一授懷慶守備以防河功陞京營神樞東九營遊擊歷

官數載俸薪外一無所取查出曠糧四千餘兩歸於上
扈駕出入守禦京師加銜至副總兵時京營軍制壞冒
餉無算按冊則有名禦敵則無人即平時操練點閱皆
一時僱覓充數半游手虛糜半熟貴隱占積習相沿弊
重難返浩因條悉神樞營事宜上之內臣王裕民索三
千金方與覆奏浩曰貧官以身許國何處得錢議卒格
浩因歎曰朝廷之上選官增職非賄不行叙功紀錄無
錢莫問係軍國重事皆由情面囑托關社稷生靈必用
金帛打點世事至此尚何忍言寇氛日熾國勢漸傾營
營爵祿究何益為年四十一遂稱疾辭官歸既抵家產

財槩置不問一夕遯去莫知所之十年後有見浩隱於東海之濱者邑庠生高睦序撰

清馮周溪先生精於周易不求仕進以接引後學為己任門

下如總督高斌等顯者多人累徵不起在京師名公鉅卿嚮慕就見先施以禮未嘗往拜羣益重之

見鄉賢

高鶴年邑增生本世家而零落者古耕鋤口潛心四子周易均著為講說其時近支昆李方仕顯官重其品憐其貧屢邀之堅辭不往晚年謝絕外事惟與馮周溪等二三名士相往來年八十餘臨終詠詩云病骨饑腸日偃牀心因知足樂無疆承先仍列青衿隊裕後惟留黃卷

香破屋數椽棲妻子薄田幾畝業農桑從容談笑重泉
去了却人間夢一場含笑而歿有子四均著名庠序

周鈴字鸞聲道光庚子科第七名經魁當時受知師如孟
公澗南謝公石雲及各座師咸器重之嘗以書招之出
仕婉辭不就惟設帳授生徒課餘之暇與盧敏齋丁立
樵兄弟三五知己賦詩贈答以養天和其所著述久已
膾炙人口云見科第

賈汝霖字潤生邑東南之艾辛莊人咸豐庚申科進士祇
設帳授生徒不求仕進後就職河間府教授從遊者數
十人誦讀之聲達旦不輟除所司外未嘗干預政事斯

時同學楊書香同年徐致祥等皆高位人勸其改班就縣令不肯謝仕後仍家居筆耕以終老云

孝友

元段德隆段父諱讓常患目疾隆禱於天晨起輒灌漱舐之既而愈居母席氏喪廬於墓側躬負土以封時二千石聞於朝命復其家見鄉賢

明任英家貧為人傭崇禎十一年冬父歿英廬於墓側穴土而居穿井為飲採薪為爨相携十歲之弟日食二合半粟時刻不離親墓者三年孫恭憲公為廬墓行以哀其孝見藝文志

贊曰以余所聞任英本人傭耳此豈有詩書之訓聲譽
之求者父歿廬墓三年窮餓幾死旦夕未嘗離苦塊抑
何至孝出於天性耶總憲孫公為作廬墓行以哀其志
大司寇馮公禮之上座任謝不敏公曰吾以敬孝子也
獎一而勸百若兩公者可謂善於風世者矣己未夏知
甯晉縣事豫章萬任選

張來鳳傳曰張公諱來鳳字公儀其先山西樂平人永樂
初徙甯晉七傳至公穎异端凝七歲解孝經弱冠補博
士弟子員歷試冠軍名籍甚燕趙間延館師者率以得
公為重其後及門類知名士既而執藝謁先恭憲聞經

義異同一歸于先正乃盡焚所作委質從焉益自淬礪
以身心性命之學為根據丙子領鄉薦第四名丁丑讀
書國學試六館孝廉第一學者咸知畿南張公儀云戊
寅太公太夫人一門五烈死公泣血廬墓側步趨規矩
無巨細兢兢以不逮古人為恥行誼益高甘貧樂道披
褐咽糲永罷公車歷遊齊魯晉魏吳越閩粵問業者動
輒數十百人在赤城立存社饒繼德等師焉在鎮海談
淑人等為建雪山書院在龍巖廖慶辰等為建蒼巖書
院晚年歸里築白石居于西山弟子從遊益衆題其堂
曰師忍足跡半天下逆旅窮途未嘗不丙夜伊吾卒年

六十有九所著有蒼巖集諸書行世魏栢鄉貞菴相國
為之誌

論曰余小子梗受業公門歷有年所憶先恭憲東公曰
士隱忠也廬墓孝也身弟子侄一再拮据厥吉凶友哉
噫嘻公儀庶乎人矣不挫廉亦不僅清一己人知公儀
忠孝孝友不知其略能不腐忠孝孝友蓋才德兼云
原任內閣中書門人孫梗撰

高去靡

傳曰

公諱去靡字存雅侍御捷之長子天性坦易與

人無忤弱冠補博士弟子員遠大自期緣太白仕四方
家用伯督屢試棘園不售遂以例入北雍嘆曰吾從此

一意課子弟讀父書胡為鬱鬱困帖括間也太公攬轡
山左疆土與寧相錯有屬吏欲避計典苞苴遺公公辭
曰君賢考且最何庸斯函發家清白黜矣其人慚去公
終身不以名告人其嚴正忠厚類如此太公劾兩輔臣
為忌者所銜出備兵東昌既而誤以封疆案公慮憤深
乃疾作會太公北上公私索春糧從太公戒不使行公
泣曰父躋蒺藜兒居堂奧耶時不粒食者數日力策蹇
酷烈中左右視饘索弗懈抵都門披髮號寃諸當事持
書叩闕某公素重太公直慰曰君父子忠孝天植此舉
誠嘉第恐姦其怒益蹈不測淵詎弗重尊大人累乎乃

中止諸當事感動而忌者亦消沮太公得遷武林公護
行歸每歲時率子弟南向頓首淚淫淫下無何太公訃
至號絕者數跣哭南奔數月扶柩還喪葬如禮遠邇嘆
服公生母劉早逝繼母鄭愛如己出公亦事之如劉與
諸弟怡怡終身無間言直指使鄧公兩以孝子旌其門
大清順治丁亥公次子光國成進士以覃恩贈公文林

郎龍南縣知縣鄉
間第稱高孝子云

工部尚書靈壽傅維鱗撰

王煒邑浩固人明萬歷時策名廩籍其父在峯公任密雲
縣大使清廉卒於任煒與弟煒家居聞訃偕往奔喪及
至因路費浩繁無貲斧遂厝柩數月不得歸適提學使

臨試密雲煒赴提署呈履歷哀述難苦以求助提憲恩
准並面試某廩學果才名相符遂憐賻數十金派支護
送歸葬以全其孝云

孫祇修康熙年間趙村人相傳有孝子孫祇修孫奮修者
兄弟五人皆邑庠生其父增廣生名瑞旭被响馬殺死
途中祇修其三子奮修其五子也兄弟携手上訴彼時
窩响馬者柏鄉魏姓族多顯宦以此訴省八年獄不能
平祇修兄弟跪鐵鍊至膝骨盡露而大仇未報誓死不
回悲憤之極至髮白齒脫後值于撫院出都於路投狀
寃乃得雪魏姓先自縊捕數响馬正法祇修兄弟捧盜

首級以祭其父然後會親友改葬服衰三年此事在其子孫痛先人殞於非命諱不忍言茲據父老傳聞畧述其事庶孝子苦衷不至埋沒爾

張珏邑康熙時人性秉至孝家貧苦衣食難於奉養每念父母得珏也晚母早逝父年高邁氣血衰弱每遇冬時肢體涼如寒氷夜則與父同眠兩手抱父足於胸前溫之徹夜不輟如是數年其子親見父行後繼述仰事亦如之一門雙孝鄉里稱頌至今

張爾雅太學生與弟爾恭居家孝友和睦成風名其堂曰百忍歷乾隆至道光百餘年男婦近百口同居無間言

鄉里稱之比於張公藝

孫永祚字錫臣世寧晉人嘉慶辛酉科舉人總憲恭獻公
五世孫性至孝其父性嚴厲或加箠楚順受弗敢怨時
流涕於中夜避妻拏弗使知家寒素舌耕以養親選唐
縣學博士與諸生論詩文外必切囑孝為人生根本跬
步弗可忘感其語有泣下者以艱歸里卒時謂妻子曰
連夜夢晤雙親地下相逢吾甚樂汝等毋悲端坐整衣
冠而逝任定遠知縣趙州王大昕作孝子傳以表其懿
行

李克竹邑之橋口村人性孝友其村鄰大陸澤道光年澤

中水洞強暴之徒往往強占地畝爭奪田禾克竹兄克謙與同村張自安被害尤深因奮門傷人致死共承其罪將赴審矣克竹適在外貿易聞之急歸曰兄年長恐不堪刑獄之苦且侍父母久一旦不測恐傷親心弟代可也兄不許克竹即投案自首一切應承並為張自安地乃一己獨任鄉里義之上保狀者廿餘村邑侯亦知其情在獄數年為開脫赦歸

沈恆字如月路前村人清邑庠生事母孝母疾侍湯藥常左右之無違一身而百役靡不為也兄弟怡怡和樂且忱見州志

范藏珍字待聘樓底村人事母至孝有傳載藝文志

李文德隰里村士人也事父極孝父與鄰不睦文德勸之拂父意怒而逐之田屋一無所與文德與妻僑居鄰舍而愈勤子職每晨汲水入門掃地挹薪晨炊事畢乃歸與妻傭力自給糟糠餬口暮至父所亦如之父有時仍箠楚順受之不自知其困苦也父老好入市游恆扶掖以行飲於肆謹侍側弗暫離肆傭憫之為之旁設食未嘗舉箸歷久不易而人皆識之呼為李孝子

申柏台字鑒所唐邱人邑庠生與次子印極均精岐黃業兩世名醫也三子印圖經商務貨殖億中故老年制田

數十畝後念侄兒孤幼無能艱於度日商同兄洪將已以前制產悉讓之時邑令沈履祥得聞親題孝友可風旌其門第以為讓產恤孤者勸

王書龍字得雲邑之東汪人少有至行事父母以孝聞家貧食輒不足每為人傭任事勤慎鄰右爭餽其口父母兄弟得飽食於其家焉篤厚正直不苟取與事二親養少弟勤懇無所不至士大夫以篤行稱之清末服賈晉省父歿千里奔喪足凍墮指一痛而絕人稱之曰王孝子同邑張君景凱曾為立傳已載之家乘

見藝文志

贊曰予觀王孝子之行亦平平耳既又思之家庭父子